

駐

粵

八

旗

志

駐粵八旗志序

志書之作所以具當代之典章詳庶務之沿革紀前賢之言行使後人得持守之規知變通之故蓋與史書異其體而同其法非細事也我

朝設立八旗禁旅兵威所及混一區夏其居京師根本地者半之餘則分防沿海沿江各直省棋布星羅控制險要

仁廟時特命廷臣纂修八旗通志包羅中外綱舉目張煌煌乎

一代鉅典洵足昭垂萬禩矣廣州爲嶺南一大都會內控五管外接重洋山海交錯康熙中藩難削平

特撥漢軍禁旅三千來此駐防

簡重臣爲將軍專統之班在督撫提鎮之上以防兵奠定
排搖綏靖土寇一邊盡治焉乾隆中

詔擇京師滿洲勁兵千五百名分撥駐粵滿漢各設八旗
以壯聲威而規模大備夫廣東既有督撫提鎮經
制之兵置滿邊腹既周且密似無庸別議駐防矣
乃又復頒禁旅用重臣者誠以炎疆重地去京師
七千餘里久安長治之策長駕遠馭之方要非重
臣不足以肅軍威非禁旅不能以固重鎮使與京
師相爲表裏且與江甯陝西四川荊州浙江福建
各駐防分布以資拱衛仰維

廟謨之規畫深遠闕達豈斤斤俗吏小儒所可窺測者哉余以非材謬膺

重寄同治八年來鎮茲土既歷數載一切訓練約束激勵獎勵與夫興利除弊諸大端次第舉行邇來戎伍整飭海疆靖謐因念二百年來經政建置或創或因加以往年滿漢兵從戎臺灣本省土匪海氛兵事迭出同心奮庸武備人材日新月盛屹爲海疆重鎮是宜早有紀載以備參稽乃迄今未有專書誠爲闕畧爰委協領開局延八旗耆聞之士鉤考舊籍搜訪前聞並今所更創者纂輯之其政績人物有可稱者附載之凡二十五卷名曰駐粵

八旗志事蹟無多而規制畧備雖未足語於述作之大要使後之官斯土者得以據今日之成書考向來之憲典不啻有所折衷而八旗官兵子弟亦得恪遵矩範罔軼準繩永爲

國家屏翰是則余區區之意也夫

光緒五年二月

欽命鎮守廣東廣州等處地方將軍統轄滿漢八旗及水師旗營官兵節制廣東陸路鎮協各營加三級紀綠十三次長善序

纂修駐粵八旗志銜名

王纂

欽命鎮守廣州等處將軍統轄滿漢八旗及水師旗營管長節制廣陸路鎮協各營長 善

欽命廣州漢軍副都統兼轄滿洲副都統陞任杭州將軍世襲散秩大臣果勒敏

欽命鎮守廣州等處滿洲副都統統轄滿漢八旗及水師旗營管長世襲三等叢爵尙昌懋

欽命鎮守廣州等處副都統統轄滿漢八旗及水師旗營管長世襲百叢爵尙吉 和

提調

二品頂戴正黃正紅旗漢軍協領兼管正白旗佐領劉秉和

藍翎卓異記名鑲白正藍旗漢軍協領兼管正黃旗佐領談廣楠

收掌

正 白 旗 滿 洲 佐 領 成 達

花翎佐領銜鑲紅旗滿洲防禦玉璋
以佐領銜充鑲紅旗佐領後以協領銜用鑲紅旗漢軍防禦玉璋金海
藍翎鑲白旗漢軍驍騎校董長庚
總纂

恩賜副貢生通判銜樊封

舉人同知銜候選知縣前直隸通州學正陳良玉

舉人補用筆帖式劉彥明

分纂

繙譯進士卽用主事許標

舉人截取知縣劉士忠

歲貢生劉吉亨

采訪

舉人分省試用知縣賈培業

歲貢生韓秉忠

校對

監生記名驍騎校許朝慶

監生談廣華

繪圖

附貢生韓錦元

七品頂戴王治

校刊

生員六品頂戴許朝泰

七

品

頂

戴章文淮

續序

事固難於創始而尤不可略夫繼承天下事五年一小變十年一大變閱三十年而成世其閒世故之遷移人事之代謝遂有不可勝紀者況乎政事所施因時而改文獻所在積久而湮雖欲紀之得無憚其煩重而艱於摛討耶余於光緒元年開局創修駐粵八旗志越四載始能成書及光緒九年奏改水師旗營爲步軍營於是志內官兵額設以及建置經政各條當改纂處甚多卽職官表人物傳亦當有所增益而當時秉筆之士爲歎老成彫謝者已三人矣爲時四載變故多端况積之又久續

修豈易言哉所幸提調收掌各官依然無恙總纂亦尙有人遂欲議續修之舉又值海疆多故未暇及此迨光緒十年春海防事已大備又值余請覲之期乃剋期纂入近年之事並增表傳數篇此時文案具在無事遠撻耳目昭彰不需採訪閱兩月而集事焉書甫成而余適被

命入都任內所行悉已備載則此舉良不可緩矣因思此書之創五年而後成原欲昭茲來許事事皆可率由若不亟爲續修則現在經政所行開卷已多歧異爲時愈久歧異愈多將視此書如弁髦是使前功盡棄或數十年後更議續修不但籌費開局

按羅文案未易爲功卽採訪人物事蹟亦未免傳聞異詞難於取信固不若以舊人考舊章俾當紀之事悉具原委且於指顧之間不勞而定也誠使自今以往五年而一修十年而再修永以爲式則經理者必有舊人紀載者無非實事用力少而成功多豈非事之甚便者乎是在善繼承者無忘創始之難俾續修易於爲力斯可矣爰更述其梗概并數言於簡端光緒十年五月札庫穆長善

續修駐粵八旗志銜名

三纂

欽命鎮守廣州等處將軍統轄滿漢八旗及步軍營官兵節制廣東陸路鎮協各營長 善

欽命鎮守廣州等處滿洲副都統統轄滿漢八旗及步軍營官兵世襲三等輕車都尉尙昌懋

欽命鎮守廣州等處漢軍副都統統轄滿漢八旗及步軍營官兵宗室鍾 泰

提調

二品頂戴正黃正紅旗漢軍協領兼管正白旗佐領劉秉和

藍翎卓異記名鑲白正藍旗漢軍協領兼管正黃旗佐領談廣楠

收掌

花翎署理正黃正紅旗滿洲協領兼管正藍旗佐領本任正紅旗佐領玉 璋

正 白 旗 滿 洲 佐 領 成 達

三品頂戴以協領陞用鑲紅旗漢軍佐領世襲雲騎尉金海

藍翎以佐領陞用先換頂戴正白旗漢軍防禦董長庚

鑲藍旗漢軍驍騎校許朝慶

總纂

舉人大挑二等候選教職劉彥明

校對

生員六品頂戴許朝泰

自該部議奏欽此

駐粵八旗志目錄

謹按

國初奠定區宇我、

聖祖仁皇帝特簡禁旅分靖海疆典至重也惟廣州自八旗駐防以來至今百九十餘年其間兵額之增減政令之沿革與夫簡閱講肄軍伍儲胥類有記籍然歲月寢久懼將訛佚矣至於親賢重臣畀膺疆寄其生平勲閼載有

國史而臨蒞之地蓋不厭加詳焉惟茲世僕渥受

列聖深仁培育其中人材不無概見亦未可盡湮沒茲編纂輯敬撰其目有八首

敕諭尊

寶訓也次兵額藉捍衛也次建置誌經始也次經政重
訓練也次職官存紀載也次選舉備科目也次人
物志人材也其不復以類次者曰雜記資故實也
蕪畧之譏極思不免而事具其概以供後來采擇

云爾

卷首

敕諭

卷一

官兵額設

附增損原委
車營戶口

裁撤水師旗營改設步

卷二

建置志

城圖 城防 城門 礮臺 衙圖
境界 衙署 兵房 堆卡 柵欄
箭道 馬圈 應火 援公所

卷三

建置志

印務處 公衙門 左司衙門 右司衙門
書院 題奏各行事件 糧倉 官學 義學
器庫 火藥局 監獄 塋地 銀庫 軍

卷四

建置志

東校場 北校場 礮營 大操 緩
疆新陣 水操 威捷選鋒隊

卷五

經政畧

軍政 馬政 水師 步軍 操演
選鋒隊 操防 犒賞 補放 節制陸
路 挑補綠營 世襲 繼嗣 逃人
旗人嫁娶

卷六

經政畧官兵俸餉
右司庫項 養贍生息

卷七

經政畧

考試文章 添設廩增生 錢糧爲廩

鄉會試

武生

武鄉

會試

貢監

文

譯舉人

大挑

改試

繙譯

舉人

不准

大挑

文舉人

仍准

大挑

文生員

准

應武試

復開文闈

欽賜

舉人

服

滿應試

貢生丁憂

旗員

守制

卷八

職官表

將軍

滿洲副都統

漢軍副都統

卷九

職官表

滿洲八旗官員

卷十

職官表

漢軍東四旗官員

卷十一

職官表

漢軍西四旗官員 水師旗營官員
步軍營官員 滿漢筆帖式

卷十二

選舉表

進士 舉人 貢生 廩生 增生
舉 繙譯進士 繙譯舉人 武進士 武

卷十三

人物表

勇烈 耆壽 貞節

卷十四

人物志

將軍列傳

卷十五

人物志 副都統列傳

卷十六

人物志 滿洲八旗協領列傳

卷十七

人物志 漢軍八旗協領列傳

卷十八

人物志 滿洲八旗佐領防禦驍騎校列傳

卷十九

人物志 漢軍八旗叅領佐領防禦驍騎校列傳

卷二十

人物志 水師旗營協領佐領防禦驍騎校列傳

卷二十一

人物志

京職外任文武列傳

卷二十二

人物志

忠義傳 懿行傳

卷二十三

人物志

文學傳 孝烈傳

醫術傳

技擊傳

貞壽傳

卷二十四

雜記

附錄旗境故蹟

駐粵八旗志卷首

敕諭

康熙十八年頒行

上諭十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尙節儉以惜財用

隆學校以端士習

黜異端以崇正學

主學八旗志卷首 敕諭

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全善良

誠匿逃以免株連

完錢糧以省催科

聯保甲以弭盜賊

解讐忿以重身命

康熙元年二月

上諭各省城守尉係管理一城兵丁掌辦操演事務大員
必須簡用曉事歷練之人方於事有益各省協領均有
隨同該將軍辦理一旗事務之責自應將此項人員閒
隔補用著交各省將軍副都統等於各該管之協領內
挑選能辦事人去得者出具考語咨部帶領引見記名
後俟有城守尉缺出由軍機大臣等呈進名單候朕補
放若此時未將伊等咨送到部或全行用完遇有城守
尉缺出著御前大臣會同值年旗王大臣等於京城應
放人員內務將能辦事人去得者秉公揀選補用

康熙三年四月

上諭吏部向來所定部院衙門滿洲蒙古漢軍官員品級陞轉與漢官不同滿洲蒙古官員無向外陞轉之例故其品級稍優今漢軍官員既與漢官一體向外陞轉其品級陞轉應與漢官畫一爾部酌議妥確以聞

康熙十三年三月

上諭吏部大兵進勦逆賊指日蕩平地方恢復之後卽應設官撫綏民生料理事務頃以需人甚急已將漢軍內可用人員照該督撫所請發往軍前候用其漢人中素有清操及才能堪任煩劇者不拘資格著漢大學士以下三品堂官以上據實保舉發往軍前與漢軍官員一體委用務期虛公推薦有裨地方以副朕廣攬人才之

意

康熙二十七年十一月

上諭大學士等曰兵部考武官射箭合例者方記冊錄用或有前在行閱顯著勞績若槩以考校不合例之故不得見用事屬可矜朕已屢有諭旨且射而中者人材皆優射而不中者人材皆劣不可以此一槩論也若執此用人則人材優而有勞者終身不得見用矣又聞兵部閱射情弊有以中者爲不中以不中者爲中其飭兵部堂官自此以後其嚴之慎之

康熙二十八年六月

上諭大學士伊桑阿等曰八旗叅領佐領有職任之官多

有以疾告休者此中有以不能騎射畏憚而求罷者夫管轄職任須得舊人爲佳其傳諭八旗都統副都統等自是以後若有告休者詳察之果疾病不可支者允其休致若雖不能嫻於騎射而能管轄者仍留用之

康熙四十五年十一月

上諭戶部朕念八旗禁旅爲國家根本所繫每加恩愛養用俾生計充盈或動支公帑數百萬代清積逋或於各旗設立官庫資濟匱絀所以爲眾甲兵籌畫者甚切康熙四十二年又曾頒發帑金貸給八旗兵丁共六百五十五萬兩有奇至康熙四十五年冬除陸續扣完外尙未完銀三百九十五萬六千六百兩有奇若仍行按月

扣取恐各兵丁營辦器用贍養家室必有不敷之慮朕深切軫惻茲特大沛恩施式弘撫育將未經扣取銀兩通行豁免爾部卽傳八旗都統等出示遍諭俾咸知朕優恤禁旅至意

康熙四十八年十二月

上諭大學士等曰世襲之員較佐領尤爲緊要襲職之人庸劣者甚多嗣後令該旗大臣引見如其人善則准令承襲否則不拘其幼子族人擇可用者令其承襲

康熙五十七年十二月

上諭大學士等曰福建廣東地方潮涇馬匹難存所剩馬匹若屢令賠償必至苦累兵丁業已給過草料銀兩者

馬學八加武
免其追賠著照綠旗兵丁例半爲馬兵半爲步兵馬兵各養馬二匹爾等會同議政大臣九卿議奏

康熙六十一年十二月十一日

上諭比見八旗官員兵丁內嗜酒沈湎以致面貌改常輕生破產肆行妄爲者甚眾其中豈乏才具可用之人朕實憫之惜之著八旗都統各將該屬官兵內酗酒不肖之徒給限一年或二年令其悛改能改者留之如不能改係官員卽行題參應襲者令人承襲係兵丁卽行革退將本佐領閑散人內揀選人材可用者充補食糧旣可以養其生又可以得其力如此凡嗜飲酗酒之徒自知所懲戒矣若禁止之後仍然不改一經查出併將該

管官員嚴行治罪再著行文外省將軍副都統城守尉等一體嚴加約束務令法在必行特諭

雍正元年四月十六日

諭吏部戶部兵部各省給發駐防官兵米穀草豆等項價值不一除已有定額省分照常給發外其餘未曾定額省分多寡不符理應將本省歷年給發之價酌處其中畫一定議價值一定便於遵行如遇年豐價平稍有贏餘於官兵亦屬有益倘歲歉價貴該督撫據實陳奏朕自加恩

雍正二年四月十八日

上諭各省此類記名人甚多缺出之時皆將記名人題補

註學八旗志

卷五

敕諭

五

但未記名之人若無補用之途伊等何以效力行走著該部行文各省將軍等將未記名人內有人材可用弓馬嫻熟盡心效力者揀選具奏

雍正五年四月二十日

上諭自雍正三年四年以來外省將軍督撫提鎮等共有十數處奏請於該地方添設子母礮位經議政王大臣及兵部議准添設朕已允行昨閱看

聖祖仁皇帝康熙五十四年實錄內載山西總兵官金國正疏稱臣標下向無子母礮今願捐造二十二位分給各營操演

上諭大學士等日子母礮係八旗火器各省槩造斷乎不

可前師懿德馬見伯曾經奏請朕俱不許此乃

皇考當日所降諭旨必另有

聖意朕因不知當日曾有此

旨故因外臣之請廷臣之議遂爾准行其議政王大臣中新任事者自不知從前之例其年久者或因日遠遺忘或知有舊事而不肯直言均未可定今既已錯誤應如何辦理之處著議政王大臣定議具奏

雍正五年四月二十九日

上諭覽李如柏所奏調換軍器事宜是從行伍利用起見該部議奏大凡各處營伍所習武藝所用器械操演隊伍向來原無一定之制是以武弁到任往往以己所好

尚及素所熟習者操演所屬兵丁閒或學習未久而接任官員又另有意見將從前所習者更改調換是兵丁之技藝每視該上司之去留以爲轉移非訓練專精之道也凡事久則熟熟則生巧宜令各省將軍督撫提鎮因地所宜酌定規制永遠遵奉除騎射最爲緊要天下通行學習外其餘各種演習著該上司會同通省大員悉心斟酌應如何操練用何軍器詳悉定議奏聞令各營永遠遵行接任官員不得擅自更改倘將來有應行變通之處著具題請旨如此則兵丁各精其業且使一省之中彼此畫一將來或有調遣會集之處正可相資爲用於訓練營伍大有裨益

雍正五年六月初二日

上諭廣州將軍石禮哈將朕引見記名之史啟祥等四人於題補驍騎校之後今又題補防禦雍正二年史啟祥等以引見記名既以補授驍騎校則當看其居官辦事何如不必因曾經記名之故又復題陞蓋人之才力各有相稱之職而前後改轍者又多一次引見記名豈能保其終身乎石禮哈謂朕記名之員遂可屢次擢用此乃不能深悉朕意而該部議駁不將此處情節明白指出但渾淪一語亦屬不合朕之辦事若有錯誤諸大臣當直陳無隱若無錯誤之處而外臣錯會朕意卽當明白分晰使中外曉然不當含糊具奏此本著該部另議

具奏

雍正五年十一月二十六日

上諭舊例執纛俱用左手今年少兵丁不知此例乃用右手執之將朕此旨應行傳示之處遍行傳知令記檔案再各省滿洲駐防將軍處亦遍著行知令記檔案特諭
雍正八年正月十二日

上諭京城佐領越旗移置者甚多因命大臣等均勻派定外省駐防八旗滿洲蒙古漢軍亦有隨京城佐領越旗移置者其移置之旗人丁既多則移出之旗人丁必少是以人丁數目不均如何令其不致移動之處著八旗大臣等會議具奏

雍正八年三月初十日

上諭凡在京年老辭職之旗員內有在行閒效力年久者於辭職具奏之日朕悉閱看有應加恩者朕卽加以恩施嗣後各省駐防處官員內有在行閒效力年久之人因年老辭職具呈者著該將軍等於具奏之時將伊食俸餉之年及在行閒效力行走之處聲明咨送兵部奏聞候朕閱看有應加恩者加以恩施現今因年老辭職之鑲紅旗協領騷達子亦屬武職內效力之員著以原品休致給以半俸終身

雍正八年七月初五日

上諭武藝者乃滿洲之根本要務八旗管轄兵丁之大臣

官員理宜操練武藝習勞苦耐寒暑以及疾趨超距撲跌等技近觀大臣官員侍衛等值班俱不親佩腰刀令家人持攜及至紫禁城內方行親佩似此一味偷安總不操練服習勞苦成何道理卽如吳達納係由盛京兵丁選取侍衛之人差往打牲烏拉地方逸居一載遂至跟轎一班卽喘息不能行走來文原在執事人內行走曾經服習勞苦之人今年僅五旬竟不能跟轎哈岱在侍衛執事人內行走多年出征隨圍俱經身歷至跟轎一班亦不能行走此皆自圖安逸之所致也大臣官員若不於平素閒服習勞苦倘至緊要處不能爭先將使兵丁竟捨伊等前進乎抑停留等待乎且至彼時力不

能支卽懷奮勇之心亦屬無用若此何能使兵丁精銳耶從前

皇考時常行圍眾人得以學習技勇未致廢棄俱能服習勞苦及朕卽位仰思

皇考付託之重八年以來勵精圖治未及巡幸郊外近觀武職大臣侍衛官員兵丁漸不及前若不嚴令學習勢必流於不堪任用嗣後八旗武職大臣官員及各省駐防之武職大臣官員年未至五十五歲者勒限半年令各奮力學習一切技勇若仍有自圖安逸不肯學習稍有所勞卽至汗流不止一遇寒冷臂指拘攣不能張弓毫無技藝不耐勞苦者或經朕調來引見或經朕行幸

時查出必重加懲治責革照違旨例治罪斷不寬宥彼時莫怨朕不預先曉諭也如有學而不能者准其告退將此通行八旗併各省駐防武職大臣侍衛官員等知之特諭

雍正九年七月二十二日

上諭各省駐防兵丁生齒日繁現今餘丁甚多若聽其閒居既無從學習技勇而定額錢糧亦難以養贍家口著交與各處將軍於滿洲餘丁內擇其能騎射可供驅使者額設兵丁之外添設若干名并作何給與錢糧操練技勇之處詳悉妥議具奏

雍正九年十一月二十三日

上諭朕因各省駐防兵丁技勇多屬生疏營伍亦覺廢弛所養馬匹多不足額其中漢軍爲尤甚已於今年八月閒先行曉諭申飭俟明年春月各差科道等官前往查看倘仍不悛改嚴加議處朕思營伍廢弛兵丁怠惰之習若該管官弁等果能實心整頓訓練數月之內即可改除惟是馬匹不敷額數若責令一時購買足額或至馬價昂貴兵丁力量艱難況於南方諸省平時旣難餒養而一時急切買補又較難於北方著該將軍等酌量稍爲變通現養幾匹其所少者存價於官一有調遣即可購買應用不致遲悞公事此朕格外體恤之特恩若再奉行不力一經查出弁兵等俱不寬貸

雍正十二年三月二十四日

上諭廣州將軍柏之蕃奏稱前蒙聖恩軫念漢軍駐防之
餘丁日漸蕃衍准其充補將軍標下綠旗兵丁之缺如
伊等父兄在旗遺有甲缺仍令撤回頂補今廣東駐防
餘丁在綠旗食糧者已有三百餘名伊等久經學習標
營事務如有標營外委缺出似可與綠旗兵丁一體考
驗拔補若著有勤勞照標營一例拔用則伊等益加感
奮等語朕令駐防餘丁頂補本將軍標下綠旗糧缺如
伊等父兄遺有甲缺仍令撤回頂補原爲加恩旗人餘
丁俾得養贍之意若標營外委千把缺出俱令一例拔
補日後卽用爲營弁則旗兵別開捷徑各思分外得官

懷僥倖之想而本業必至廢弛矣況駐防旗兵更要於綠旗此中如果係出格人材可以拔補者若不揀選用爲旗員而旗員又須另簡則兵丁中有如許可用之人材耶柏之蕃因其操守廉潔愿用至於此任伊自到廣以來日惟誦經習靜置訓練營伍於不問將蔡良整頓之條規漸漸廢棄且其素性專尚柔善沽名而又無沽名之才惟好爲此婦寺之仁今復建此悖謬之議以冀取悅於駐防之旗人可謂無能爲之至矣識見甚屬卑鄙著交部嚴察議奏以爲徇名妄奏者戒

雍正十二年十二月初六日

上諭據往良鄉等處八城查閱兵丁之護軍統領衣蘭泰

奏稱查閱良鄉等處八城兵丁騎射人人勤習俱已嫻熟悉能清語其雄縣兵丁五十名內射箭優者一半甚嫻熟者一半去年因雄縣兵丁騎射不堪不能清語奉旨將該管協領圖克禪防禦沙渾沙爾圖革職卽於彼處枷號其員缺特行揀選令其訓練兵丁等皆知皇上因伊等庸劣將官長治罪者無非欲伊等上進之意是以人人感懼奮勉力學今皆至於嫻熟等語將此通行各省將軍大臣等徧爲曉諭俾各該管官兵人人俱知照此黽勉兵丁等世受國家豢養之恩人人勤於當差熟習騎射技藝清語以圖報效該管大臣官員盡心管教使之上進俱係職分當爲之事若不知互相黽勉只

圖安逸疏忽怠玩日流而下漸至不堪勢必俱獲罪戾如雄縣兵丁騎射不堪不能清語朕將該管官員治罪另派官員訓練因而人人勤學一年之間遂至於善如果上下互相勉勵何所不能但患不勤耳昔

太宗皇帝訓有云管兵之人宜率眾勤習騎射技藝若不預行學習一旦行軍將何以戰丈夫技藝無過騎射畜自飛之鷹亦可搏雉調不語之犬無有不馴此真

至聖之論凡膺管轄之任者俱宜盡心不時勸誨俾勤習一應技藝兵丁等人人醒悟勤於學習不久自然熟練何患不能將軍大臣等如不勤加訓練管轄疏忽致兵丁等不行學習技藝生疏撫躬自問是誠何心若止合

無知惡少一時之鄙見而不計及國家關係之重大甯不有負大臣官員之任乎嗣後仍有似此疏忽不勤加教訓訓練者朕必將該管將軍大臣等治罪爲眾人鑒戒斷不姑恕特諭

乾隆元年五月二十五日

上諭據王大臣奏稱從前康熙二十三年舊例凡駐防各省官兵本身物故之後家口俱令來京其子弟內有披甲者亦革退發回後雖條奏以病故官兵之妻子若撤回京師贍養無資然仍不許在彼處安葬此正恐滿洲在各省安葬日久或失滿洲舊習且至與民互起爭端是以定此條例阿里衮身爲將軍不思滿洲舊例乃如

此具奏殊屬不合著交部察議再滿洲等俱應居住京師其從前令滿洲官兵分駐外省者特爲駐防耳遇有調遣之處心無牽連可卽便啟行方爲有益若令在彼處安設墳塋如遇調遣挪移必致永棄墳塋阿里衮身爲將軍尙且如此具奏其屬下又當何論此皆依戀彼處竟忘滿洲舊習與君親之大義朕甚以爲憂嗣後外省駐防官兵著照王大臣所議令送柩來京安葬如有不願送京卽在彼處安葬至日後遇有調遣情愿拋棄伊祖父墳塋者則是毫無知識之人亦聽其自便餘依議將朕此旨通行曉諭駐防官兵知之

乾隆二年十二月二十三日

上諭從前恩賞兵丁生息銀兩濟其吉凶事之用八旗原議內稱遇有喪事之家如親祖父母父母及妻室方准給與若子孫多者但視其應得之一人給與其餘子孫不得多領等語此並非爲嫁娶而言也乃直隸各標錯認文意以爲嫁娶之兵丁止賞長子長女其次子次女俱不在恩賞之列以致邇年以來恩澤不能普沾八旗並不如此辦理也直隸如此或他省有似此者亦未可定著通行傳諭凡兵丁娶媳嫁女無論長次均許邀恩況歷年生息已多公費諒無不足倘有不敷之處各該管大臣亦當酌量均勻料理之

乾隆三年六月初七日

上諭從前

皇祖聖祖仁皇帝時以陣亡士卒之妻孀居無所依賴會永遠給食一半俸餉今八旗鰥寡人等內無子嗣無奴僕並無錢糧可以依賴爲生者俱經加恩給與養贍錢糧但陣亡人等妻室伊等之夫爲國捐軀而伊等又能貞節自矢情實可憫理應優恤著交與八旗將陣亡人等妻室內除有子嗣當差或有奴僕食糧尙可依賴爲生者毋庸飭查外其無子嗣或子嗣穉幼又無家人並無錢糧可依賴爲生者查明伊夫原係職官給食原品官一半俸祿米石如原係兵丁給食一半錢糧米石俾其終身永遠沾恩若陣亡之人並無妻室其父母別無

子嗣並無錢糧可以依賴爲生者亦照此例俾其終身
永遠食一半俸餉以示朕優恤爲國報效不惜身命盡
力疆場人等之意

乾隆四年

諭今年繙譯會試取中二十二人雖從前有照例殿試之
議但此科人數甚少不必舉行殿試皆著賜進士出身
吏部引見候朕酌量錄用其優者以六部主事卽用次
者在主事上學習行走該堂官照例題補又次者照滿
洲進士例選用內有現任者卽在任候陞不必出缺

乾隆十年十一月初八日

上諭看來在京八旗官員遇有喪事准借四箇月俸銀料

理甚屬有益福州駐防官員著照將軍新柱所請准其借給其坐扣之處亦照京師一體辦理至各省駐防官員亦照此施行若藩庫相隔遙遠或將該處存貯別項銀兩或將錢糧衙門存貯銀兩卽先行動撥借給餘依議

乾隆十二年

上諭近聞各省駐防旗人等數世同居一城或有協領佐領等官與其所屬兵丁內因係親友以致諸凡掣肘不免有瞻徇情弊等語果如此可乎從前派滿洲官兵駐防外省者原因我滿洲習氣純樸技藝精強行走便捷俾綠營官兵視爲表率之意先以各該城之協領叅領

等大員之缺往往由京城補放遣往後因伊等駐防各該省年久人數眾多其應陞員缺仍由京補放遣往恐礙伊等陞路是以皆由本省應補人員內揀選補授者甚多此皆朕體恤駐防官兵之深恩尤當體副朕擢用深心遵守滿洲舊習所屬人等勤加演習技藝秉公訓導管轄將此著傳諭駐防旗員兵丁各省將軍大臣等均各嚴飭該管協領叅領佐領等知悉將此等惡習著令痛改至各省以旗分佐領互相調放亦無不可大臣等亦當留心查覈經朕降此旨後若仍不悛改其協領等大員之缺朕必以別省官員調補將此通行曉諭知悉特諭

乾隆十五年三月初九日

上諭漢軍人員選補州縣舊例迴避直隸地方乃遠嫌避世之意邇來直隸州縣間有滿員補用者揆其所由從前州縣原未補用滿員是以止定漢軍之例今既用滿員而未議及迴避自屬辦理疏漏朕思州縣親民之官五百里內旗莊地土鱗次接壤詞訟案件動相關涉自不使用滿員嗣後漢軍仍照舊例迴避直隸其滿洲人員著迴避五百里以內所有現任人員著該部查明另行請旨其道府同知等官統轄之員雖非州縣可比但本員莊地有在所轄之內者亦屬未便著報明該督奏請調補盛京州縣今已槩用滿員其中有莊地在本境

馬
者亦著於部內呈明另行扣補著爲例

乾隆十五年閏五月十五日

上諭據鑲黃旗滿洲旗分奏墨爾根之副都統謨爾泰呈請將伊子帶往任所等語但各省駐防將軍副都統旗員等並非辦理地方事務之文職大臣官員等可比嗣後伊等子弟內如有已及年歲情願帶往隨任者皆聽其自便該旗不必奏請

乾隆十七年

上諭騎射國語乃滿洲之根本旗人之要務朕今歲較閱京城世爵其步箭尚可觀及人材英俊者已施恩選取侍衛並分在各處令其學習行走其射箭甚劣不堪教

化者察明革職別行承襲至各省駐防亦皆有世爵若不教訓騎射國語伊等近於素餐自暇自逸必致學爲不善著各省將軍都統等將伊不時教導務令騎射優嫻國語純熟如有教訓不化騎射甚劣者該將軍都統等卽指名參奏革職別行承襲將此通諭知之

乾隆十八年七月二十九日

上諭滿洲風氣素本純厚皆秉忠義之性向不知書籍自我國實宇一統始習漢書

皇祖聖祖仁皇帝特軫念不識漢字之人使之博古有益身心是以繙譯經文四書通鑑等書刊刻頒行茲查不肖之徒並不繙譯正書反將水滸西廂記等古詞繙出

導人於不善相傳看閱甚有不通漢文者並將小說亦照漢字之音以單清字音出互相傳看者此等荒誕之書不惟無益而流移滿洲風氣亦皆由此如愚民惑於邪教比昵匪人大半亦因看視此等荒誕書籍之故實有關於滿洲舊習不可不嚴行飭禁著交八旗大臣及東三省將軍各駐防等處將軍大臣等除奉官繙譯刊刻舊有繙譯三國外有私行繙譯清字小說俱著嚴行查禁現有者搜獲焚燒並交步軍統領將租賃此等之書亦著嚴加禁止將現有板片盡數銷毀勿得存剩倘有不盡心察查無知之人匿藏一經查出惟該大臣等是問

乾隆二十一年二月

上諭各省駐防兵丁不准在外私置田產有病故者其骸骨及寡妻仍令各回本旗此定例也朕思國家承平日久在內外俱已相安一體若仍照例辦理則在外當差者轉以駐防爲傳舍未免心懷瞻顧不圖久遠之計而咨送絡繹亦覺紛煩地方官頗以爲累嗣後駐防兵丁著加恩准其在外置立產業病故後卽著在各該處所埋葬其寡婦停其送京但該處情形不同兵丁內有無力置地營葬者亦未可定著該將軍都統等酌動公項置買地畝以爲無力置地窮兵公葬之用再向來此等駐防兵丁有患病事故呈請回京到京後復挑選差使

者甚屬無謂今既准其在外置產安葬所有呈請回京之例著停止著爲例

乾隆二十二年五月

上諭各省將軍等遇有陞遷調補及緣事離任其本城副都統內有在任年深者卽令署理將軍印務如到任年分相同無可區別者仍著論翼署理將此永著爲例

乾隆二十二年

上諭各省協領若於軍政案內卓異引見其年滿時毋庸送部卽以卓異引見之日起扣滿六年再行送部引見

乾隆二十二年

上諭各省駐防協領六年任滿並無事故者各該將軍大

臣等秉公考察出具考語咨送赴部兵部再加考驗帶領引見恭候欽定記名遇有應行開列陞用之處除將俸深之員照例開列外將記名之員另行繕摺隨本進呈

乾隆二十二年

上諭駐防協領佐領防禦缺出該將軍都統副都統將應陞人員揀選擬定正陪送部轉咨該旗帶領引見擬陪之員若奉旨記名者回本處後遇有佐領防禦缺出卽行坐補隨時咨報部旗仍於年底彙奏至以協領記名之員於應行坐補時驗無年力衰老行走變改等項事故方准專摺奏補倘平日不行察覈至將年力衰老行

走遜前之員坐補將該管大臣查議

乾隆二十四年七月

上諭前因外省將軍提鎮有表率營伍之責出則乘輿恐致徂於便安是以特行禁止其有年逾七十者准自行奏聞請旨近聞將軍提督等有因公赴京遇地方向無馬匹之處或未免拘泥難行且於本處偶值天雨不能乘騎時亦應量爲區別嗣後有似此者俱著准其乘輿但不得因有是旨輒任意乘用及役使兵丁有乖營制

乾隆二十五年六月十二日

上諭八旗滿洲蒙古皆各有姓氏乃歷年既久多有棄置本姓沿漢習者卽如牛呼魯氏或妄稱爲郎姓卽使指

上一字爲稱亦當日牛豈可直稱爲郎同於漢姓乎姓氏者乃滿洲之根本所關甚爲緊要今若不行整飭因循日久必致各將本姓遺忘不復有知者著將此交八旗各省嗣後引見人員俱將姓氏繕寫緣頭牌面仍勒限一年如一年後經朕詢問仍有不能對答者斷乎不可必將該管大臣一併治罪再挑選秀女時亦一體遵照各將姓氏繕於緣頭牌面將此通行曉諭

乾隆二十七年

諭各省駐防將軍品階列在總督之上地方雖非專屬而尊卑異等相見自有一定之儀載在會典遵行已久陝西一省地方各屬接見將軍並不照接見督撫之例甚

非政體國家於省會分駐重兵將軍職司統轄有司不循禮節匪獨體貌攸關在官必生文武之嫌在下易滋兵民之事不可不深防其漸著通諭各省俾知恪遵定制毋得稍逾以肅官聯又

諭各省將軍總督班次因將軍銜大俱在總督前此定例也但總督未兼銜者理應如此若經加恩兼銜者其班次卽當照兼銜序定卽如尹繼善兼銜御前大臣高晉兼內大臣其銜俱在將軍上自應在將軍前列嗣後有朕加恩兼銜者其班次俱照此前列永著爲例

乾隆二十九年四月

上諭前因各省將軍都統等所轄弁兵濫行差遣及私事

隨帶役使漫無節制曾經酌定額數旋以該弁等往來道途遠離職役或致貽誤操防因降旨概行飭禁今據大學士尹繼善奏稱將軍督撫等來京陛見祇候宮門僕從所不能到若無有職人員供其使令亦多未便嗣後仍著照原定額數酌帶給用但不得任意多派致地方營伍曠弛著通諭各將軍都統督撫提鎮等知之

乾隆三十三年九月二十九日

上諭據增海奏廣州八旗滿洲兵丁內年幼身弱披甲者二百二十九名內仍有兼食錢糧者一百三十六名請將馬甲革退孀婦孤子無依靠者九十三名照依現由天津移來養育兵之例給予錢糧等語各省派往兵丁

駐防特爲防守地方起見理應挑年壯技强者俾成健銳如不得人暫行懸缺俟得人時再行挑補有何不可乃將並不能馬步射之幼丁挑補充數可乎今廣州將年幼身弱者挑爲馬甲甚屬非是此內有兼食錢糧者一百三十六名著俱行革退孀婦孤子無依靠者九十三名照依養育兵例給予錢糧之處均照增海所請辦理從前將軍大臣等所司何事將此交李侍堯增海於此項糜費錢糧著落辦理錯誤之歷任將軍大臣等分賠之處察明具奏看來各省駐防似此將幼丁挑爲馬甲者亦不能保其必無將此交各省駐防之督撫將軍副都統等將有無將幼丁挑爲馬甲之處查明據實奏

聞

乾隆四十二年十一月

上諭各省將軍向例不戴花翎必俟特賞方准戴用但提督尚有賞給花翎者將軍有統轄一省職任向宜戴翎不必俟賞給後方行戴用嗣後補授外省之將軍原無翎者卽准其戴翎著爲令

乾隆四十三年

上諭內外旗員患病該管大臣委員確驗酌量給以假期總不得過六箇月之限如六箇月仍未痊愈有職任者開缺如係世職將俸祿停止俟病痊之日有世職者具呈該旗都統隨旗當差行走自當差之日起支俸無世

職者俱候缺補用其內外世職官因病告假如過六箇月之限仍照例停俸如停俸至一年之後調養未愈不能當差令該管大臣查驗實在情形如果殘廢卽應開缺將應襲之人另請承襲如無應襲之人該管大臣奏明請旨辦理至額外食俸官員亦照此例定限有逾限不痊者卽行停俸俟病痊之日仍在原衙門行走倘無疾捏稱有疾呈報者將本官降一級調用驗看官罰俸一年出谷之該管官罰俸六箇月

乾隆四十三年

上諭各省駐防將軍都統副都統所轄三品旗員降一級調用者遇有本處駐防四品官缺出擬補降二級調用

者遇有本處駐防五品官缺出擬補降三級調用者遇有本處駐防六品官缺出擬補其駐防四品旗員降一級二級調用者與駐防三品旗員降二級三級調用之例同駐防五品旗員降一級調用者與駐防四品旗員降二級調用之例同此等駐防降調人員該將軍都統副都統俟咨送應陞人員引見時將降調人員聲明降調緣由一併咨送該旗列名於應陞人員之後帶領引見其廣東福建四川甘肅等遠省降調旗員引見一次未補俟過半年後遇有缺出該將軍等聲明未補情由出具考語具奏與應陞人員一併咨送該旗列名於應陞人員之後帶領引見恭候欽定近省降調旗員引見

一次未補俟過半年後遇有缺出仍照初次咨送該旗帶領引見如未經補用俟再過半年後遇有缺出該將軍等聲明未補情由出具考語具奏與應陞人員一併咨送該旗列名於應陞人員之後帶領引見恭候欽定至駐防三品旗員降至四級以下調用四品旗員降至三級以下調用五品旗員降至二級以下調用者在外無缺可補停其補用若身有世職仍在世職隨該處行走如是由京補放之員降至七品在外無缺可補情願來京者准其以七品城門吏擬補駐防旗員降級應補驍騎校者不論省分遠近該將軍等俟咨送應補人員時聲明降調情由一併咨送該旗列名於正陪人員之

後帶領引見如未經補用俟第二次驍騎校缺出將擬陪記名之人坐補後至第三次缺出再行聲明未補情由咨送該旗列名於正陪人員之後帶領引見恭候錄用駐防降調旗員遠省引見二次近省引見三次未經補放者停其再行來京引見俱按所降之級令其原品休致其駐防降調以驍騎校用者至第三次引見未蒙補放亦卽照所降之級令其休致

乾隆四十三年

上諭各省駐防平等行走之筆帖式六年俸滿其通曉清漢文義者該將軍等保題聽吏部分別補用外其不通曉清漢文義並不能遷移來京情願守候本處武職者

於歷俸年滿後該將軍等出具考語咨送兵部帶領引見准其記名後遇有本處本翼驍騎校缺出俟領催等用過三缺之後補用一員至筆帖式由兵丁考取後仍與該處官兵一體練習騎射如果行走勤慎辦事好弓馬嫻熟者三年俸滿遇有應陞驍騎校缺出卽與領催等一體揀選照保送驍騎校之例送京引見補放此內有曾經出兵效力者仍令該將軍等照舊酌量與記名領催一體陞用如辦事平常弓馬不堪者於年滿時不准改補武職卽行咨部開缺年滿記名後行走平常卽將記名之處咨部註銷

乾隆四十三年三月十九日

上諭看來各省揀放佐領等官送京引見只送一人並無
擬陪之人其察哈爾旗分放佐領等官俱送擬正擬陪
之人引見並不畫一而防禦以上俱係大員一缺僅送
一人引見於理不合自當更定著兵部行文各省將軍
都統嗣後補放協領佐領防禦等官俱著揀送擬正擬
陪之人引見朕將擬正之人補放其擬陪之人可否准
其記名臨時降旨伊犁烏魯木齊俱係邊疆途遠補放
此等官員仍照舊例辦理

乾隆四十三年五月

上諭據福州將軍永德等奏稱協領兼管佐領者請照京
師叅領不得管轄本甲喇另調別甲喇之例調翼兼管

等語永德等此奏是外省協領若兼管本旗佐領是伊所辦事務仍係伊自行主掌完結雖有不合無人更正若令各翼各旗更調兼管遇有不合之處經協領指駁更正多一層稽查於公事大有裨益著照所請行仍通行各省駐防嗣後協領兼管佐領務須各翼各旗更調不得兼管本旗佐領著永遠爲例

乾隆四十三年五月

上諭各省駐防嗣後協領兼管佐領務須各翼各旗更調不得兼管本旗佐領再京師八旗叅領內有管本甲喇佐領者亦應更調著交八旗將現管本甲喇者卽行調補別甲喇著永遠爲例

乾隆四十三年六月內

上諭今日閱看鑲紅旗滿洲承襲佐領家譜見一支內祖孫父子之名俱以齊字爲首又一支內所有人名俱以杜字爲首齊杜俱係漢人姓氏因循既久數傳後轉似伊等姓氏竟染漢人習氣除已經命名者毋庸更正外嗣後滿洲等命名斷不可似此數代同以一字爲首我滿洲原有姓氏何可忘本而改易漢姓耶將此通行曉諭八旗各省將軍副都統一體遵行

乾隆四十三年十二月

上諭昨據副都統納木札爾奏請八旗無依孤女照養贍孤寡例給與錢糧養贍一事已交八旗大臣議奏矣朕

思八旗孤寡並無依倚甚屬可憫是以從前俱加恩給與錢糧以爲養贍是孤女卽寓於孤子之內自應一體辦給今所有孤女並未入於孤子之內給與錢糧者係八旗大臣原辦時遺漏著不必交八旗王大臣議奏嗣後八旗所有無依孤女卽照孤子一體給與錢糧米石俟出嫁後裁汰

乾隆四十四年二月

上諭今日據派出監視考試繙譯進士八旗舉人馬步箭之弘暢等奏稱此次應考繙譯進士人員內除患病有故之外其餘步箭平常並馬箭不能者九人請除名不准考試其馬步箭尙可者僅四十七人人數不足應否

准其考試之處請旨等語滿洲等讀書學習繙譯固係當務之事而馬步箭究係滿洲根本斷不可不至精純若不能射馬步箭即使繙譯尙好亦屬無用是以凡遇考試必特派王大臣先看馬步箭擇其稍可者方准其應試此次步箭平常以及不能騎射之佛保等九名除名不准考試甚是其餘四十七人雖不足數與入貢院之例不符而馬步箭尙可但停止考試繙譯進士舉人之例業已二十餘年今朕特恩復行准考況上年初次考試繙譯舉人是應考進士者亦不能多有其人若因人數不足照例不准考試非朕敎育滿洲至意此四十七人著加恩交該部仍行辦理考試但八旗都統等平

日辦事無多此等事亦不能辦理乎著通行曉諭八旗此一次朕不深究嗣後凡考試進士舉人生員之人各該都統等務必嚴行察查善爲教訓於未考之前揀選馬步箭可觀以及稍可者准其送名倘仍有平常之人被特派王大臣查出具奏不惟不准其人應試并惟該都統是問斷不寬恕也

乾隆四十六年十月

上諭向來各省駐防滿洲已安居百有餘年京城並無伊等近族而京城滿洲生齒日繁若准其進京無以爲生反爲無益是以概不准其來京自開闢新疆分派官兵前往駐劄以來在京滿洲陸續駐防各省者甚多此內

奏此項兵房均係康熙十二年建蓋乾隆二十六年續修今已坍塌剝壞其續修工程自不及初建之堅固如式前經防守尉阿爾景阿移會委員驗看屬實所有估需銀一千八百兩零請先在司庫動撥趕修其二十六年動用之項著落前任雄縣知縣李臧家屬名下照數追賠等語駐防兵丁官爲建蓋房屋俾資棲止免其自行租賃已屬格外恩施該兵丁等卽當視同己業加意愛護或遇有水火之災人力無從防護如從前荊州滿營被沖及本年熱河堤工一帶猝被山水者原不惜帑金爲之月行建葺若不過每歲風雨飄搖稍有滲漏殘損該兵丁自應隨時粘補免致欵傾豈得視爲傳舍任

其年久塌壞迫難以棲止又請官爲辦理似此屢圯屢修帑項虛糜伊於何底況卽如京城滿兵惟健銳火器二營並八旗之新舊營房又圓明園之八旗營房俱係官爲建蓋此乃特恩其餘八旗親軍護軍馬甲步甲等俱無官給房屋伊等亦止藉錢糧各行租賃並未見其露處是各省駐防得有官房居住較之八旗兵丁已屬從優何得不知愛護致令塌壞率請官修除雄縣兵房卽照該督著落前任知縣李賊家屬名下如數追賠外防守尉阿爾景阿平時不能留心察查一任兵丁等將房屋殘損且不報所管大臣卽行文地方官甚屬乖張著罰俸三年以示懲儆嗣後京中各營及各省駐防如

馬興ノ方云
該營原有生息銀兩可以動用者所居房屋實在年久
欵傾尙可准其各自動項修葺若並無存公銀兩之營
分不得擅動官項率請興修以歸覈實梁肯堂所辦差
錯著該部察議摺併發

乾隆五十八年五月

上諭本日刑部具題直隸建昌縣盜犯強劫傷人一案內
夥犯巴雅爾虎一名閱清書並無錯誤而漢書誤作巴
眼爾虎是何言耶自屬譯寫之訛巴雅爾虎乃蒙古語
喜悅之詞今乃以雅作眼實屬不成文理各督撫雖不
能曉蒙古語義但同文韻統一書久經頒發各省通行
在案該督撫於此等題奏事件自應詳細對音期無錯

誤乃該督既牽引譯寫而刑部亦不加改正遽行照繕具題俱屬疎忽著通諭於滿洲蒙古交涉事件各將軍督撫嗣後於對音人名地名務宜查照韻統譯寫毋得似此外訛致成笑語

乾隆五十九年九月二十四日

上諭據永慶等奏協領札明阿因病休致一摺內稱將札明阿履歷造具清漢冊咨送兵部等語此等履歷冊內話語無多卽書寫清字咨部自無不識之理現因各省駐防滿洲漸染漢習正當整飭之時此等無關緊要檔冊事件若兼書漢字日久尤易染成漢人習氣著交各省將軍大臣等嗣後此等事件卽造清字冊不必兼書

漢字

嘉慶元年十二月

旨前因八旗官兵內有與王公大臣等同名者曾經降旨飭令該都統等另行更改該都統等自當留心察查乃昨日今日帶領引見之世職人員內有鑲白旗滿洲承襲騎都尉擬正之馬甲札拉豐阿鑲紅旗滿洲承襲雲騎尉擬正之護軍觀音保鑲藍旗滿洲承襲騎都尉擬正之佐領台布均與喀喇沁郡王職銜札薩克貝勒御前大臣札拉豐阿公觀音保侍郎台布等同名該都統等卽素未留心其帶領引見之前豈家譜亦不經目耶殊屬疏玩所有鑲白旗滿洲都統福安副都統愛興阿

富俊鑲紅旗滿洲都統定親王綿恩副都統布顏達賚
多永武鑲藍旗滿洲都統成親王永理副都統永珊俱
著交部查議外將此再交八旗嗣後務須各宜細心察
查有與王大臣等同名者俱著更改倘仍復如是將該
都統等交部查議

嘉慶六年十二月

上諭前蒙

皇考高宗純皇帝特降諭旨令軍機大臣會同部旗將國
初以來殉節諸臣未經得受世職者查明賞給恩騎尉
世襲罔替仰見

皇考崇獎蓋臣推恩後嗣實爲

異數隆施乾隆六十年先經軍機大臣等將在京八旗從前殉節諸臣查奏一百四十餘員補行

賞給恩騎尉世職茲又據軍機大臣會同兵部將數年以來各省陸續咨行從前殉節諸臣九百九十餘員查明開單具奏朕詳覈諸臣事蹟俱能抗節效忠成仁取義允宜賞延於世用示褒嘉所有單開各該員子孫均著加恩補給恩騎尉世襲罔替惟念該世職等承襲之後若照例概令分發各標營學習其中或有未能諳習弓馬差防者轉非成全之意所有世襲人員著加恩凡遇承襲時在各本籍地方具呈分別咨部除情願入標學習當差者仍照舊例支給俸餉外其有願應文試者即

俗陵各清語均非臣下命名所應用者著交八旗令現任大臣內有以此等清語命名者著自行具奏更改官員兵丁內如有以此等清語命名者卽著呈明該管大臣更改嗣後八旗臣僕俱不得以此等清語命名所有黑龍江副都統銜總管色爾袞原賞之巴圖魯名號著改爲強謙巴圖魯

嘉慶十三年閏五月下諭

御製八旗箴

皇清受

命撫有萬方白山毓秀闔門衍祥

躬率子弟基開瀋陽八旗布列有正有鑲千城禦侮勲紀

旗常

世祖入關定鼎帝圖爾田爾宅月賜銀糧不耕而食不織而裳百有餘載

祖

考澤洋名臣勇將佐治騰驥賢才傑出文修武揚

列聖培養治具畢張惟予小子遵守不遑生齒日眾間有莠良書箴誕告敬聽無忘國語勤習騎射必強尊君孝父警情戒狂勿酣酒肆勿入賭場勿爭小忿反致大傷勿廢銀米債負難償勿遊狹邪勿干憲章乃祖乃父世德流芳胡爲暴棄甘蹈患殃凡此數事視若病瘍分置都統盡臣賢王嬋心竭力協恭贊匡代予敷教才智勿

藏眾擎易舉共施

前光懷承

考眷宵旰自獲期復舊俗永保無疆

嘉慶十六年季夏

御製訓諭八旗簡明語

八旗子弟國之世僕也百有餘年英才輩出不可勝紀
然生齒日眾間有失於教訓之子弟又遇不肯爲國家
作養人才祇知尸祿保位之都統副都統加之以作奸
犯科開局哄騙之莠民以致趨於下流甘爲卑污如蛾
投火不知改悔惟圖片時逸樂罔惜一世身家深可憫
也奸匪棍徒多方引誘最可恨者無如聚賭蓋開局之

惡棍其意總在斂錢受其愚弄昏迷不覺誠可哀也好
賭之人其弊有五爲我八旗子弟言之食祿於朝罔知
節儉妄希恩澤終至困窮其弊一也上不能供父母之
甘旨下不能顧妻子之饑寒其弊二也學文習武俱缺
資本終爲無用之人其弊三也一入賭局有敗無勝典
賣之物既窮偷竊之心頓起其弊四也偶爲鼠竊未犯
王章膽益放恣率致身名皆喪其弊五也此五弊賢者
必不犯不肖者必不改特書此數語誡告八旗務令家
喻戶曉爾都統副都統七十餘員何忍視國家有用之
子弟半爲無用之匪徒不爲朕加意訓導耶諸臣中能
翻然改悔日引月長皆復舊習以成佳士誠國家之大

福也若諸臣中無一人盡心盡力八旗子弟無一人翻
然改悔是國家之大不幸此篇文字不必存朕亦不再
饒舌矣

嘉慶二十年七月初四日奉到

御製將軍箴

將軍之職與古迥殊八旗禁旅生聚帝都日增日盛分
駐實區星羅碁布奕禩良模舊習常守漢俗勿趨國語
熟練步射馳驅先養後教心洽誠孚訓爾營隊望我皇
圖

道光元年十月

硃諭朕恭閱嘉慶五年

皇考仁宗睿皇帝實錄內載國家設兵原以衛民全在平時操練方能得用第承平日久文恬武嬉各營伍將弁往往自耽安逸竟不以操練爲事而該管上司又復不加察查以致日漸廢弛著該督撫提鎮務須隨時認真操練使之技藝嫻習悉成有用之兵以飭營伍而重巡防等因欽此仰見我

皇考聖慮深遠有備無患之至意因思我朝開創之初八旗軍鋒所指無不克敵制勝厥後統一寰區武功耆定外而各省亦俱建立營伍分防駐守鉅法良規盡美盡善溯查乾隆年間西陲用兵兩金川平定八旗勁旅最爲得力人才亦復輩出此後嘉慶初年三省教匪滋事

馬場入卷三
全賴

聖謨廣運克奏膚功八旗官兵打仗出力者固不乏人究未能全數收其實效如昔日者也皆由管領教練之人平時漠不關心因循懈弛坐令國家有用之兵日就荒廢深爲可惜更堪忿恨如健銳火器兩營操練本屬認真遇事亦能得力然近日風氣亦不逮從前遠甚至於前鋒護軍諸營亦非從前可比而滿蒙漢二十四旗之兵更難過問矣雖一切情形不能與健銳火器兩營並論然亦不可藉此推諉視爲具文甘爲廢棄其東三省官兵原屬驍健乃根本之地更不可稍形荒廢嗣後該管王大臣等務須遵照舊規加意操練何人某項技藝

優長何人馬上最爲嫻熟全在平日留心分別記憶或
隨時量加鼓勵或陞轉秉公拔擢總在該管之人不辭
勞瘁公正乃心方能漸收實效用復舊規若不實心經
理經朕看出或因事顯露朕惟該管之人是問勿謂教
之不豫也至各省駐防以及綠營兵弁原屬強弱不一
強者固不可日漸廢弛罷軟者更不可不勤加操練著
飭知各省將軍督撫提鎮等嗣後必應力返積習加意
訓練破除情面舉黜公平於常練之外每日應如何操
練之處著各該將軍督撫提鎮等悉心定擬不必會銜
一一明白回奏候朕定奪既經此次奏定之後務要實
力而行不可徒作空言亦不可過於苛細務期一日有

思身方云 卷三
三二
一日之功一兵有一兵之用若不實心操練仍視爲泛常經朕覺察或隨時看出決不寬恕用副朕安不忘危保衛民生之至意將此通諭中外知之特諭

道光二年二月初六日

上諭孟佐等奏請借項生息資助旗籍舉人會試一摺廣東距京遙遠駐防八旗文武舉人進京會試資斧維艱加恩著照所請准其於扣存兵丁馬價存貯藩庫銀內賞借銀一萬兩發商生息遇會試之年每名除例賞水脚銀二十兩零外加賞銀三十兩賞剩餘銀俟積有成數陸續歸還原欸年終報部覈銷其驍騎校領催前鋒及筆帖式進京引見各員除原賞銀二十兩外亦著加

恩在籌備軍裝息銀內每名加賞銀三十兩以示體恤
該部知道

道光二年三月二十三日

上諭據孟佳等奏遵擬操練章程摺內所開春秋二季操
練日期並擬每年九月內輪班帶同水師旗營官兵赴
虎門洋面與提標水師綠營會操又每年十一月內率
領滿漢官兵赴燕塘地方演放大礮等語均著照所議
認真訓練分別勸懲不可日久生懈有名無實惟每年
五月十六日至七月十五日因該省天氣暑熱定例停
操相沿已久該將軍等所擬閒日輪流演習之處殊屬
紛更仍屆期照舊停操可也將此諭令知之

道光二年四月

上諭近來京外各官遇有陞擢皆於召見及接奉批摺後始換陞銜頂帶本非舊制嗣後京外陞任人員京官俟奉有諭旨外官俟接到部文後著卽換用陞銜頂帶

道光二年五月

旨在京各旗營軍政前經大學士軍機大臣會同八旗都統妥議章程覈實考驗各省駐防軍政自應畫一辦理著照兵部所議嗣後各省駐防旗員有年逾六十以上不能騎射者俱不准保列卓異其精力尙健弓馬嫻熟或曾經出兵著有勞績或實心經理營務仍由該管大臣出具切實考語保薦另冊聲明給咨赴部引見如年

力衰邁卽歸入計典內効叅若年齒雖老精力未衰亦由該管大臣詳加查驗秉公甄覈專摺奏請留任著爲令

道光六年十月

旨從前伊犁等處協領年滿後果能奮勉人去得堪膺簡用或僅勝協領之任不堪簡用者均由該將軍等分別出具考語送部引見至各省駐防協領年滿送部引見亦應照此辦理著交各省將軍都統副都統嗣後各駐防協領六年十二年期滿送部引見時或人去得堪膺簡用或僅勝協領之任者俱分別出具切實考語一併咨部不可稍涉瞻徇如該協領等記名補用後倘才力

不及不能勝任或操守平常并犯私罪惟原保之人是問決不寬貸

道光七年十月十七日奉清字

諭旨國語騎射乃滿洲根本人所應曉各省駐防係由京分派滿洲非綠營可比國語亦應一體學習近因廣州將軍慶保等考覈軍政奏摺書寫漢字而請安摺亦寫漢字豈廣州駐防官兵五千餘人獨無一人能寫清字耶今觀慶保等所奏例摺亦率寫漢字爾等竟染漢人習氣實屬可笑若不整頓久之有失滿洲本業該將軍等所司何事甚屬非是慶保巴杭阿花沙布均著申飭將此曉諭各省將軍副都統嗣後遇有人命訟獄及錢

糧奏銷等件尙可仍用漢摺其滿營照例事件俱著用清字奏摺各省將軍副都統等必當仰體朕意將該管滿洲官兵務令各習國語騎射咸使嫻熟斷不可沾染漢人習氣以致有失滿洲本業

道光八年六月

上諭國家建立營伍修明武備全在平時訓練精熟方能得用惟承平日久各省駐防綠營將弁不免自耽安逸諸多廢弛各該管大員果能竭力整頓隨時認真操演自能使營務日有起色著通諭各將軍都統督撫提鎮於駐防綠旗將弁士卒督率練習務期一日有一日之功一兵有一兵之用斷不可任其委靡不振無裨戰守

經此次訓飭之後倘不痛懲惡習實心振刷以致兵力漸形軟弱經朕覺察定將該管大員無論現任歷任一併從重治罪決不寬恕該將軍督撫等身受重恩其各加意策勵簡練精嚴以副朕整飭戎行諄諄誥誡之至意併著將此旨各錄一道實貼衙署或校場俾觸目警心日久無懈

道光九年三月

旨管理值年旗王大臣等覈議富俊陳奏旗營設立官弓統較弓力揀選議請挑缺時仍視其箭之中靶與否以爲去取並稱不得以專開勁弓便爲合式不知挽強而不能命中固難取錄若祇能命中而弓力過軟亦豈旗

營儲才本意所議皆一片畏難討好之心巧爲駁斥忘
本偷安不思振作且於設立官弓何以難行並未明白
聲敘殊屬含混著仍交該值年旗另行妥議具奏嗣後
各項侍衛及各旗營練習技藝選拔官兵總期挽強命
中不得偏廢倘該員弁等於引見及校閱時經朕察出
弓軟技庸者除將該官員兵丁卽行斥革外並將該管
大臣嚴懲不貸

道光十一年七月

上諭朕恭閱

聖祖仁皇帝實錄內載康熙二十五年七月

諭旨駐防兵丁關係緊要歲月既久恐致疏懈必選嫻於

騎射膂力驍勇者方准披甲現在兵丁內有庸弱不嫻
騎射之人應革退另補不得虛充數目著嚴飭該管將
軍等知之

聖諭煌煌意至深切當時已慮及駐防兵丁歷久疏懈閱
今百有餘年承平日久恐該兵丁等於騎射操演漸涉
因循廢弛殊失分防駐守講求武備之意夫兵可百年
不用不可一日無備所有此項駐防兵丁該將軍副都
統等務當督飭所屬隨時認真訓練如有技藝生疏者
必應革退另補並揀選年力精壯嫻習騎射膂力驍勇
者方准披甲毋得以老弱充數以期一兵得一兵之用
將來倘有征調未能得力惟該將軍副都統等是問勿

謂誥誡之不早也將此通諭知之

道光十二年正月

上諭向來盛京五部侍郎及各省將軍都統副都統城守尉總管等有年班輪替進京之例嗣後著俟到任之日起扣滿三年奏請陞見俱毋庸年班進京至直隸總督古北口提督每遇鑾輅巡幸時得以扈從召見其年班進京之例亦著停止

道光十四年二月二十一日

上諭前據哈豐阿奏籌造臺礮一百尊未據將需用若干動何款項之處聲敘明晰當降旨詳細具奏再降諭旨茲據奏稱旗庫存貯款銀俱係隨時動用並無閒款所

有製造擡礮一百尊需用工料銀一千七十六兩零係該將軍與倫忠左廷桐會商捐辦不敷銀兩由該將軍如數捐足現已製造完備其操演擡礮配用火藥在於存城大礮十位內樽節備用所需鉛丸照子母礮例入於右司存貯籌備修補軍裝項內支銷由理事同知備辦如數領用等語此項捐辦銀兩該將軍等除歲支廉俸之外別無餘資無庸捐辦卽著中祥於粵海關稅內照數撥給銀一千七十六兩零作正開銷交該將軍等支領此項製造擡礮爲軍中得力之器必應挑取兵丁認真演練一歸嫻熟不可有名無實餘著照所議辦理將此諭令知之

道光十四年十二月十六日

上諭哈豐阿等奏操演擡礮並籌備軍械一摺粵省地處
海濱毗連南越訓練操防尤爲要務前經賞給關稅銀
兩製造擡礮茲據該將軍等奏如數造成後飭令各兵
勤加操演惟各兵自備步弓戰箭以及舊製矛槍均有
未能得力之處該將軍等另造火漆纏筋戰弓六百張
前鋒領催暨甲兵每名配足戰箭一百枝其矛槍一項
亦更改式樣務令便捷合用此項增改備製軍械不無
需費著卽由粵海關稅內賞銀五百兩該將軍等卽飭
交委員將各項軍械一律製造完全務須認真訓練不
可有名無實用副朕整飭戎行有備無患之至意又據

另片奏查理事同知經管軍器局內舊貯銅礮六位礮身甚屬完固著卽撥備旗營存貯局庫隨時操演並著每年隨同大礮十位運赴燕塘在於搏節大礮火藥內量爲勻演配用彈子由該同知與大礮彈子一律撥用遇有緩急其應配帶藥斤彈子統歸理事同知如數備辦詳請覈銷

道光十六年四月二十六日

上諭蘇勒芳阿等奏派員操練兵丁情形一摺廣東駐防八旗官兵內挑備戰兵二千二百名經該將軍等派委協領喀勒春等專管操練各項技藝並製造雙手帶刀一百把卽於擡礮一項兵丁內挑出一百名令其演習

以爲護礮之用所見甚是俱著照所議辦理國家訓練兵丁全在紀律精嚴技藝嫻熟方足以收實用倫忠於臨陣事宜未能諳練蘇勒芳阿辦事向來認真又久歷戎行此項練習備戰兵丁卽著交該將軍專司訓練務須按期操演一律精能俾得咸成勁旅毋致有名無實方爲不負委任

道光二十一年十月十七日

上諭阿精阿等奏請裁減馬匹添設無米礮手兵一摺廣州省城額設礮位向止有漢軍礮手二十四名現在不敷遣用著准其添設無米礮手四百名卽在滿漢餘兵及無米養育兵閑散人等內均勻挑補所需月餉准其

將該旗額設馬匹照議裁減四百六十四匹以資支放其請將弓箭兵三百八十五名改爲槍兵亦著准其照改俾捍衛益資得力餘依議該部知道

道光二十二年九月二十五日

上諭各省設立駐防兵丁以資防衛必須遴選技藝訓練精熟方收禦侮之效廣州地方濱近海洋尤爲扼要現在夷務甫定仍應加意防範所有駐防兵丁著伊里布於到任後會同裕瑞官文認真校閱破除積習裁汰老羸挑補精銳總期一兵得一兵之用至今昔情形不同有應隨時變通之處尤須詳細講求豫爲辦理從前戰船幾同具文不堪適用此後船隻及槍礮器械等件應

增應減或須改易製造總以精良適用爲要萬不可拘定舊制徒勞無益其各處口隘應如何分別緩急擇要駐劄亦須詳察地勢妥爲布置一切善後事宜卽著該將軍等妥議章程具奏將此諭令知之

道光二十三年四月十一日

上諭裕瑞等奏酌擬武備事宜一摺據奏添改槍兵三百八十五名擡礮一百位擬照原額槍兵及子母礮豫貯火藥之例一體分別豫貯所需製造火藥鉛彈工料銀兩卽於藩庫存貯旗營籌備修補軍裝項內動用製造存貯旗營以備急用每年操演出陳易新又添設無米養育兵一百名練習藤牌並將鳳崗操廳改建礮臺安

置大礮自八千斤至五百斤不等共五十一位派撥官兵輪班駐守其潘仕成所造戰船暫在內河水深處操演俟夏秋水旺之時再行駛往虎門聽候操練裁撤之箭手大刀挑刀手兵共一百五十名俱擬改作礮手並將漢軍八旗餘兵八十名撥赴鳳崗礮臺一體演習大礮遇有水師兵缺遴選拔補等語覽奏均悉均著照所議妥爲辦理其善後一切事宜如何因地制宜隨時變通仍著詳議具奏總須破除積習認真經理毋令日久懈生仍致有名無實將此諭令知之

道光二十四年十二月初一日

上諭耆英等奏酌議礮臺互換管理一摺廣州旗營專爲

駐防省城而設所有城上神安礮臺着准其改歸旗營撥兵防守其鳳凰崗礮臺離城十餘里旗營旣難兼顧著卽改歸綠營駐劄俾各就近經管以昭覈實餘着照所議辦理該部知道

道光三十年六月

上諭安徽按察使李本仁奏請訓練以作士氣等語國家設兵衛民兵有定額原期餉不虛糜各將軍督撫提鎮等果能訓練於平時何至徵調不能得力如該臬司所奏各省兵餉不無扣剋攤派供應之弊額兵之中又多各項差使各營員署內工匠僕役均占兵糧應操之兵率皆兼趁傭販其不能端意講求武備已可概見著通

諭各直省將軍督撫提鎮等認真校閱督飭所屬將弁隨時查察汰其老弱革其冗濫尤在抽棟精壯勤加訓練使各營皆有選鋒勁旅平時甘苦與共臨事指臂相聯不致徒耗兵糧無裨實用庶足挽頽風而振士氣儻仍不知振作甘蹈相沿惡習一經訪聞得實定將該管官從嚴懲辦不貸勿謂言之不豫也

咸豐元年五月

上諭前據黑龍江副都統清安奏請各省駐防修製鳥槍並滿營挑放各缺考驗鳥槍一摺交各駐防將軍等查議先後覆到茲據兵部會同八旗都統覈議具奏駐防兵丁以騎射爲根本並演習火器歷來辦理自有舊章

惟在實力訓練隨時操防無懈悉成勁旅正不在變更
成法徒事虛文所有各該駐防挑選領催前鋒委官既
據該將軍等奏稱考驗弓馬兼看鳥槍卽著各按本處
酌定章程責成認真辦理務令器械精良適用勤加教
演施放有準不得日久生懈其總管協領以下驍騎校
以上向於保送到旗時由該旗考驗步射騎射後帶領
引見補放若加以考驗鳥槍諸多窒礙儻驗不合式必
致駁改耽延徒使額缺懸曠况如印房左右兩司有辦
事之責勢難添習鳥槍協領等官須擇諳練營務弓馬
嫻熟之員並曾經出師著有勞績者均堪揀選補放更
難概令練習火器現在京城八旗及各省駐防所操陣

式立法本極周備總在該管大臣平日實心教練自能一律精純與其徒議更張不如仍循舊制所有各駐防旗員勒限演習及來京考驗加看鳥槍之處著毋庸議至期滿卓異等項官員由兵部考驗帶領引見者亦卽照八旗所議畫一辦理再上年兵部議准光祿寺卿許乃普條奏各省陸路武職到京考驗兼看火槍予限自咸豐二年起一體練習因思綠營與旗營事同一律考驗未便兩歧嗣後綠營除水師人員赴部仍閱看槍礮外其陸路武職到京著仍照舊制考驗毋庸兼看火槍以歸畫一

咸豐二年七月

上諭兵部奏請將八旗及各省駐防官員告休定例改歸畫一等語定例綠營官員凡遇軍政之年不准告病乞休八旗則例雖無專條向俱照綠營辦理惟各省駐防多有臨考告休仍請食俸者辦理殊未畫一嗣後各省駐防旗員均著與在京八旗按照綠營定例如有於軍政之年告病乞休者卽行勒令休致其出兵受傷非在三處以上亦不得題請給俸以杜規避而免歧異該部卽纂入則例永遠遵行

咸豐四年四月

上諭八旗人員騎射清文是其本務卽使於清文義理不能精通亦豈有不曉清語不識清字遂得自命爲旗人

之理道光年間特奉

諭旨停止駐防文試專考繙譯原期返樸還淳俾我八旗子弟咸知本業乃近日八旗人員仍有專習漢文於清語清字全不講求沾染習氣徒務虛文實堪痛恨嗣後無論何項出身人員均宜練習清文通曉講解卽由文鄉會試入仕之員及兵丁子弟亦應一體練習不准怠惰偷安以誤根本

咸豐六年七月

上諭繙譯孝經係雍正年間編輯爲八旗各項考試命題之本向無清文漢字合寫成書且其時滿洲新語未備書中音義皆係舊語現在各省駐防鄉試童試舉行繙

譯已歷有年在京各項考試尤爲八旗士子進身之階
誠恐其循誦習傳不免參差簡略朕因詳加校閱遵照
乾隆年間

欽定繙譯五經新語悉加釐定著武英殿刊刻清文漢字
合璧成書頒行中外俾各士子講習有資用昭法守

咸豐十一年十一月二十九日

上諭致仕大學士祁雋藻奏請復各省駐防考取文舉人
生員舊例等語各省駐防八旗向來本有考取文舉人
生員之例自道光年間改爲繙譯將舊例停止原爲八
旗人員均應諳習國語清文以爲本務恐其考試漢文
致有荒廢現在繙譯考試各省遵行已歷有年其駐防

馬耳人方示
八旗通達漢文積學之士不克觀光誠爲可惜嗣後著
於駐防繙譯科試外仍復駐防考取文舉人生員之例
均准其鄉會試與繙譯一體錄用以廣登進該駐防八
旗人等仍不得以專驚漢文致將繙譯國語稍涉荒廢
用副朕敦本育才至意該部知道

同治六年十一月初三日

上諭各營帶隊將領並曾經記名副都統提鎮各該員現
在軍營所司何職統帶兵勇若干或因事撤去差委或
緣事離營回籍者均着按季造冊送報軍機處以備查
覈其籍貫年歲履歷並着隨時詳細造冊咨送兵部勿
得延宕

同治九年七月十七日

上諭長善等奏請整頓駐防旗營一摺廣州駐防旗營兵制日弛該管各官往往因循袒護積習甚深自應大加整頓該將軍等現議章程於各地面派員巡查遇有盜賊夥劫立即拿辦所籌尙屬周妥卽着長善等認真辦理不得有名無實惟經此次整飭之後該旗營各員如仍前怠玩罔知振作該將軍等務當破除情面卽行叅處毋稍徇庇至旗營舉劾自有定章若限以二年一保未免徒事紛更轉滋冒濫所請着毋庸議如實有才具出衆勞績優異准其酌保一二員以示獎勵餘着照所議辦理將此各諭令知之

光緒六年正月

上諭前因時事多艱需才孔亟迭經諭令各直省督撫保薦人才以備任使惟恐奇才異能之士伏處尙多該督撫等見聞難周尙未盡登薦剡必須周諮博訪以廣搜羅著大學士六部九卿各直省將軍督撫暨曾任統兵大臣彭玉麟楊岳斌加意訪求其有器識閎遠通達治體爲守兼優長於吏事以及才畧過人足任將帥驍勇善戰足備偏裨熟悉中外交涉事宜通曉各國語言文字善製船械精通算學足供器使並諳練水師事宜者無論文武兩途已仕未仕均著各舉所知出具切實考語秉公保薦不得徒採虛名濫竽充數亦不得以無人

可保一奏塞責庶幾人材輩出緩急可資以副朝廷延攬人才至意將此通諭知之

駐粵八旗志卷首終